

本
草
經
解
要

本草經解要卷二

古吳葉 桂天士集註

河東楊緝祖遠齋闡定

同里門人王從

草部下

白豆蔻氣大溫味辛無毒主積冷氣止吐逆反胃心口
穀下氣

白蔻氣大溫稟天木火之氣入足厥陰肝經手少

陽相火三焦經味辛無毒得地西方燥金之味入手太陰肺經足陽明胃經氣味俱升陽也肺主氣積冷氣肺寒也氣溫溫肺味辛散積所以主之食入反出胃無火也辛溫煖胃故止吐逆反胃胃中寒則不能化水穀肺寒則不能行金下降之令白蔻辛溫所以胃煖則消穀肺煖而下氣也

制方

白蔻同丁香砂仁陳米黃土薑汁丸名太倉丸治

反胃

同人參生薑陳皮蘿蔔治胃寒嘔吐

同

半夏陳皮生薑白朮白芍治寒痰作吐

同薑香

陳皮木香治上焦滯氣

同人參白朮陳皮生薑

治秋瘡胃虛不食 同扁豆五味橘紅木瓜治中

酒嘔吐

白蒺藜氣溫味苦無毒主惡血破癥結積聚喉痹乳

難久服長肌肉明目輕身炒去刺

白蒺藜氣溫稟天春和之木氣人足厥陰肝經味

苦無毒得地南方之火味入手少陰心經氣升味降秉火氣而生陽也主惡血者心主血肝藏血溫能行苦能洩也癥者有形可徵也有形之積聚皆成於血白蒺藜能破之者以入心肝而有苦溫氣味也癆者閉也喉痹火結於喉而閉塞不通也溫能散火苦可去結故主喉痹乳難乳汁不通也乳房屬肝氣溫達肝其乳自通白蒺藜一名旱草秉火氣而生形如火而有刺久服心火獨明火能生

土則飲食倍而肌肉長肝木條暢肝開竅于目故
目明木火通明元陽舒暢所以身輕也

制方

白蒺藜同歸身治月經不通 同杞子菟絲子治
肝虛 同五味淫羊藿杞子海螵蛸治肝虛陽痿
專爲末服治一切鬱症明二三十年之目疾

縮砂仁氣溫味辛澀無毒主虛勞令渴宿食不消赤

白朮利腹中虛羸下氣

薑汁炒

妙仁氣溫稟天春和之木氣入足厥陰肝經味辛
齒無毒得地西方燥金之味入手太陰肺經足陽
明胃經手陽明太腸經氣味俱升陽也主虛勞冷
渴者陽虛而作勞則真氣愈耗所以土冷而洩渴
也妙仁氣溫益氣味澁可以止洩也辛溫溫胃腎
煖則宿食自消赤白渴利腸寒積滯也辛溫散寒
味澁止洩也腹中虛痛腹中陽氣虛而寒痛也溫
以益陽辛以散寒所以止之肺主氣下氣者辛能

益肺肺平氣自下也

制方

砂仁同人參陳皮藿香白茯白芍炙草治吐瀉不食
同藿香橘紅木瓜治霍亂轉筋 同川附炮
薑厚朴陳皮飯丸治冷利 連殼炒黑末熱酒下
二錢安胎止痛 用兩許炒爲末入鹽三錢湯泡
冷服治乾霍亂

薑黃氣大寒味辛苦無毒主心腹結積症忤下氣破

除風熱消癰腫功力烈於鬱金

薑黃氣大寒，稟天冬寒之水氣，入足少陰腎經，足太陽寒水膀胱經，味辛苦無毒。得地金火之二味，入手太陰肺經，手少陰心經，氣味俱降陰也。心腹心肺之分也。心主血，肺主氣，結積者氣血凝結之積也。其主之者，辛能散氣，苦能破血也。痘瘍者，濕熱內症，性與物忤也。其主之者，苦寒清濕熱也。下氣者，苦寒降氣也。破血者，辛苦行血也。除風熱者。

風熱爲陽邪外感太陽經氣寒清熱味辛散風也
苦寒而辛散故又主癰腫功力烈於鬱金者氣較
鬱金更寒也。

制方

薑黃同肉桂枳殼治左脇痛。同當歸生地牛膝
延胡索肉桂治積血痛。同肉桂末治中寒小痛。
鬱金氣寒味辛苦無毒主血積下氣生肌止血破惡
血血淋尿血金瘡。

金氣乘裏未冬令之木氣不足少陰腎經手太
陽寒水小腸經味辛苦無毒得地金火之二味入
手太陰肺經手少陰心經氣味降多於升陰也心
主血肺主氣味苦破血氣寒降氣所以主血積下
氣也瘡口熱則腐爛血流苦寒之品爲末治外能
生肌止血也破惡血者卽味苦破血積之功其主
血淋尿血者則入小腸苦寒清血之力也以其生
肌止血所以又主金瘡

制方

鬱金同韭菜降香歸身生地童便治吐血翻側

同牛黃治陽毒失血

款冬花氣溫味辛無毒主欬逆上氣善喘喉痹諸驚癲寒熱邪氣

款冬氣溫稟天春和之木氣入足厥陰肝經味辛無毒得地西方澤潤之金味入手太陰肺經氣味俱升陽也肺金主氣氣逆則火乘金而欬逆上氣

氣喘矣其主之者味辛潤肺氣溫宣通則肺金下降之令行而諸症平也。喉痹者火結於喉而閉塞也。喉亦屬肺。款冬、辛溫通肺故并主喉痹也。諸驚癇寒熱邪氣者驚有虛實之別癇有五藏之分其類不一所以邪氣亦有寒熱之殊也。其主之者以其邪雖有寒熱之殊然皆厥陰肝木氣逆火炎之症。款冬辛溫溫能達肝辛能降氣氣降火平邪氣退矣。

退矣

制方

款冬同麻黃杏仁桑皮甘草治寒嗽之氣喘。同百合煎膏名百花膏治痰嗽有血。

旋覆花氣溫味鹹有小毒主結氣。煑下滿驚悸除水去五藏間寒熱補中下氣。

旋覆氣溫稟天春和之木氣入足厥陰肝經味鹹有小毒得地北方陰慘之水味入足少陰腎經氣味降多于升陰也。溫能散結鹹能更墜故主結氣。

脇下滿也。水氣乘心則驚悸。鹹溫下水所以去主驚悸也。去五藏間寒熱者。五藏藏陰者也。痰蓄五藏則陰不藏而寒熱矣。鹹溫可以消痰。所以去寒熱也。補中者中爲脾胃。水行痰消則中宮脾胃受補也。下氣者鹹性潤下也。因有小毒。所以服之必煩也。

制方

旋覆同人參半夏代赭石甘草生薑大棗治傷寒

汗下後心下痞堅噫氣不除

藿香氣微溫味辛甘無毒主風水毒腫去惡氣止霍亂心腹痛

藿香氣微溫稟天初春之木氣入足少陽膽經足厥陰肝經味辛甘無毒得地金土之二味入手太陰肺經足太陰脾經氣味俱升陽也風水毒腫者感風邪濕毒而腫也其主之者風氣通肝溫可散風濕毒歸脾甘可解毒也惡氣邪恶之氣也肺主

氣辛可散邪所以主之。霍亂脾氣不治揮霍擾亂也。芳香而甘能理脾氣故主之也。心腹亦脾肺之分氣亂於中則痛。等甘而溫則通調脾肺所以主之也。

制方

藿香同香附末升降諸氣 同陳皮治霍亂 同滑石丁香治夏月吐瀉 同香附甘草治胎氣不安 同白朮半夏治風水毒痙

前胡氣微寒味苦無毒主痰滿胸膈中痞心腹結氣
風頭痛去痰下氣治傷寒寒熱推陳致新明目益精

前胡氣微寒稟天初冬寒水之氣入足太陽膀胱
經味苦無毒得地南方之火味入手少陰心經氣
味俱降陰也胸者肺之部也心火刑肺則肺之津
液不下行鬱於胸中而成痰矣前胡味苦清心火
所以主痰滿胸也人身之氣左升右降心火乘肺
肺不能降則升亦不升而腸中痞矣前胡味苦氣

寒清心降氣肺氣降則升者亦升而痞愈矣心腹
結氣邪熱之氣結於心腹也寒能下氣苦能散結
所以主之風頭痛傷風而頭痛也風爲陽邪苦寒
抑陽故止頭痛去痰下氣清心寧肺之功也傷寒
寒熱乃陽盛陰虛之風熱症也苦寒清熱所以治
之苦寒之味行秋冬肅殺之令所以推陳致新蓋
陳者去而新者方來也味苦清火所以明目氣寒
助陰所以益精也

制方

前胡同杏仁甘草桑皮桔梗治熱喘下氣 同花
粉歸身甘草黃芩治傷寒寒熱 同甘菊丹皮治
風熱目疼

羌活氣平味苦甘無毒王風寒所擊金瘡止痛奔豚
癰癧女子疝瘕久服輕身耐老一名獨活

羌活氣平稟天秋燥之金氣入手太陰肺經味苦
甘無毒得地南方中火火土之味入手少陰心經

足太陰脾溼氣昧歸多於少陰也其主風寒所擊
金瘡止痛者金瘡爲風寒所擊則血氣壅而不行
其瘡更甚矣羌活苦能洩甘能和人肺解風寒所
以風血行而痛止也奔豚者腎水之邪如豚奔突
而犯心也苦可燥濕甘可伐腎所以主之痛者風
症也輕者濕流關節之症也羌活氣平可以治風
除苦可以燥濕故止痛痺也女子疝瘕多經行後
血假風濕而成羌活平風燥濕兼之氣雄可以散

血也久服則脾濕散所以輕身心血和所以耐老皆味甘苦之功也。

制方

羌活同麥冬前胡黃芩甘草治太陽疫症 同白朮蒼朮秦艽生地苡仁木瓜石斛黃柏治下部濕熱 同生地赤芍甘草丹皮石膏治風熱牙疼

升麻氣平微寒味苦甘無毒王解百毒殺百精老物殃鬼辟瘟疫毒邪氣蠱毒入口皆吐出中惡腹痛

時氣毒癘頭癰寒熱風腫諸毒暎翳口瘡久服不天
輕身長年

升麻氣平微寒東天秋平冬寒金木之氣入手太
陰肺經足太陽膀胱經手太陽小腸經味苦甘無
毒得地南方中央火土之味入手少陰心經味苦
則燥入足陽明胃經氣味輕清陽也其解百毒者
氣平而寒味甘而苦能消能和所以解毒也其殺
百精老物殃鬼者升麻稟平寒之氣則得清陽通

達之性能破幽暗制精鬼也。瘟疫瘴氣邪氣皆天地鬱塞薰蒸之氣也。平寒能清苦能洩甘能和所以能辟之也。蠱毒陰惡敗壞之毒甘苦之味能和乳解故藥入口蠱卽吐出也。其主中惡腹痛者甘能解毒苦能洩邪也。其主時氣毒癘頭痛者甘平和毒苦寒清熱平苦又燥濕也。其主寒熱風腫諸毒者平甘以和之寒苦以清之入膀胱能散寒熱風腫也。喉痛口瘡火鬱於上也。其主之者苦寒之

味火鬱發之也。久服不夭。輕身長年者。升麻爲陰
甲之陽能升陽氣於至陰之下。陰精所奉。其人壽
也。蓋必佐補藥方可久服耳。

制方

升麻同葱白散陽明風邪。同石膏止陽明齒痛。
同葛根白芍甘草名升麻葛根湯治陽明之熱
邪及癰瘍。同人參蓮子治噤口痢。同石膏知
母麥冬竹葉治陽明經風熱。同川連紅麴滑石

白芍甘草治刺

川芎氣溫味辛無毒主中風入腦頭痛寒癲筋攣緩急金瘡婦人血閉無子

川芎氣溫稟天春和之木氣入足厥陰肝經味辛無毒得地西方之金味入手太陰肺經氣味俱升陽也風爲陽邪而傷於上風氣通肝肝經與督脈會於巔頂所以中風風邪入腦頭痛也其主之者辛溫能散也寒傷血血凝則麻木而痹血不養筋

筋急而掣肝藏血而主筋。川芎入肝而辛溫則血
活而筋舒。行者急而舉者速也。緩急金瘡金瘡失
血則筋時緩時急也。川芎味辛則潤潤可治急氣
溫則緩緩可治緩也。婦人稟地道而生以血爲玉
血閉不通則不生育。川芎入肝肝乃藏血之臟。生
發之經氣溫血活自然生生不已也。

制方

川芎同白芍歸身生地名四物湯治血虛

同甘

菊歸身生地白芍甘草治血虛頭痛 同歸身桂

心牛膝治子死腹中 同續斷生地白膠杜仲山

萸北味人參黃耆棗仁治血崩不止

防風氣溫味甘無毒主大風頭眩痛惡風風邪目盲
無所見風行周身骨節疼痛久服輕身

防風氣溫稟天春和風木之氣入足厥陰肝經味
甘無毒得地中正之土味入足太陰脾經氣味俱
升陽也肝為風木其經與督脈會於巔頂大風之

邪入肝則行於陽位故頭眩痛其主之者溫以散
之也。傷風則惡風惡風風邪在表之風也。肝開竅
於目。目直無所見在肝經之風也。風行周身在經
絡之風也。骨節疼痛風在關節而兼濕也。蓋有濕
則陽氣滯而痛也。皆主之者風氣通肝防風入肝
甘溫發散也。脾主肌肉濕則身重矣。久服輕身者
風劑散濕且引清陽上達也。

制方

防風同白芍黃耆治表虛自汗 同荆芥白芷生
地地榆黃耆治破傷風

葛根氣平味甘辛無毒主消渴身大熱嘔吐諸癆起
陰氣解諸毒 葛穀氣平味甘無毒主下痢十歲以

葛根氣平稟天秋平之金氣入于太陰肺經味甘
辛無毒得地金土之味入足陽明燥金胃氣味輕
清陽也其主消渴者葛根辛甘升騰胃氣氣上則

津液生也。其主身大熱者葛根氣平，平爲秋氣，秋氣能解大熱也。脾有濕熱則壅而嘔吐，葛根辛甘升發胃陽，胃陽鼓動則濕熱下行而嘔吐止矣。諸痹皆起於氣血不流通，葛根辛甘和散氣血，活諸痹自愈也。陰者從陽者也，人身陰氣，脾爲之原，脾與胃合，辛甘入胃，鼓動胃陽，陽健則脾陰亦起也。甘者土之冲味，平者金之和氣，所以解諸毒也。

葛根氣平，味甘，入足陽明胃，手陽明大腸，陰中陽

也陰中之陽爲少陽清輕上達能引胃氣上升所以主下痢十歲以上陽陷之症也

制方

葛根同香薷生地煎服可以預防熱病 同白芍甘草山藥白茯焦米治痢血不止 葛根一味治中毒

麻黃氣溫味苦無毒主中風傷寒頭痛溫瘧發表出汗去邪熱氣止欬逆上氣除寒熱破癥堅積聚去節水煮

去冰

用

麻黃氣溫稟天春和之木氣人足厥陰肝經味苦無毒得地南方之火味入手少陰心經氣味輕升陽也心主汗肝主疏洩入肝入心故爲發汗之上藥也傷寒有五中風傷寒者風傷衛寒傷營營衛俱傷之傷寒也麻黃溫以散之當汗出而解也溫病但熱不寒之癧也溫瘧而頭痛則陽邪在上必發未出汗乃可去溫瘧邪熱之氣所以亦可主以

麻黃也。肺主皮毛。皮毛受寒。則肺傷而欬逆上氣之症生矣。麻黃溫以散皮毛之寒。則欬逆上氣自平。寒邪鬱於身表。身表者太陽經行之地。則太陽亦病而發熱惡寒矣。麻黃溫以散寒。寒去而寒熱除矣。癥堅積聚者。寒氣凝血而成之積也。寒爲陰。陰性堅。麻黃苦入心。心主血。溫散寒寒。散血活積。聚自破矣。根節氣平。味甘無毒。入足太陰脾經。手太陰肺經。所以止汗也。

制方

麻黃同桂心治風痹冷痛。同桂枝甘草杏仁生薑大棗治寒傷營症。同白芍甘草炮薑細辛蘇梗北味治肺寒而喘。麻黃根同黃耆牡蠣末小麥湯下治自汗。

白芷氣溫味辛無毒主女人漏下赤白血閉陰腫寒熱頭風侵目泪出長肌肉潤澤顏色可作面脂。

白芷氣溫稟天春和之木氣入足厥陰肝經味辛

無毒而芳香得地西方燥金之味入足陽明胃經
手陽明大腸經氣味俱升陽也其主女人漏下赤
白者蓋肝主風脾主濕風濕下陷則爲赤白帶下
白芷入肝散風芳香燥濕故主之也肝藏血血寒
則閉氣溫散寒故治血閉陰者男子玉革女人牝
戶也屬厥陰肝腫而寒熱肝經風濕也濕勝故腫
也白芷入肝辛可散風溫可行濕所以主之也肝
經會督脈於顛頂風氣通肝肝開竅於目頭風侵

目淚出汗有風而疎洩也。其主之者以辛溫可散風也。胃主肌膚而經行於面。辛溫益胃故長肌膚。芳香辛潤故澤顏色也。可作面脂乃潤澤顏色之餘事也。

制方

白芷同黃耆甘草生地麥冬五味能長肉。同辛夷細辛治鼻瘻。同甘草生薑豆豉大棗名神白散治一切傷寒。同貝母酒煎治乳癰初起。同

白芍甘草白茯焦米治胃虛洩瀉

藁本氣溫味辛無毒主婦人癰癧陰中寒腫痛腹中急除頭風痛長肌膚悅顏色

藁本氣溫稟天春升之木氣入足厥陰肝經味辛無毒得地西方之金味入手太陰肺經氣味俱升陽也婦人以血爲主血藏於肝肝血少則肝氣滯而疝瘕之竝生矣藁本溫辛溫行辛潤氣不滯而血不少疝瘕自平也厥陰之脈絡陰器厥陰之筋

結陰器其主陰中寒腫痛者入肝而辛溫散寒也
厥陰之味抵小腹肝性急腹中急肝血不潤也味
辛潤血所以主之風氣通肝肝經與督脈會於頭
頂風邪行上所以頭痛其主之者辛以散之也肺
主皮毛長肌膚味辛益肺之力悅顏色辛能潤血
之功也

制方

棗本同不香治霧露清邪中於上焦同羌活細

辛川芎葱白治寒鬱太陽頭痛 同白芷可作面

脂

柴胡氣平味苦無毒主心腹腸胃中結氣飲食積聚
寒熱邪氣推陳致新久服輕身明目益精

柴胡氣平稟天中正之氣味苦無毒得地炎上之
火味膽者中正之官相火之府所以獨入足少陽
膽經氣味輕升陰中之陽乃少陽也其主心腹腸
胃中結氣者心腹腸胃五藏六府也藏府共十二

經凡十一藏皆取決於膽柴胡輕清升達膽氣膽氣條達則十一藏從之宣化故心腹腸胃中凡有結氣皆能散之也其主飲食積聚者蓋飲食入胃散精於肝肝之疏散又藉少陽膽爲生發之主也柴胡升達膽氣則肝能散精而飲食積聚自下矣少陽經行半表半裏少陽受邪邪併於陰則寒邪併於陽則熱柴胡和解少陽故主寒熱之邪氣也春氣一至萬物俱新柴胡得天地春升之性入少

陽以生氣血故主推陳致新也。久服清氣上行則
陽氣日強所以身輕五藏六府之精華上奉所以
明目清氣上行則陰氣下降所以益精精者陰氣
之英華也。

制方

柴胡同人參半夏黃芩甘草大棗生薑名小柴胡
湯治少陽寒熱同白芍甘草枳實名四逆散治
胸膈竊四肢厥冷同人參升麻黃耆甘草歸身

白朮廣皮生薑大棗名補中益氣湯治勞傷倦怠
同人參黃蓍白朮甘草升麻白芍澤瀉葛根神
麵治暑傷元氣 同升麻葛根等能升陽散火

同白芍丹皮山梔甘草白芍白朮廣皮歸身名逍
遙散治肝膽鬱火

桔梗氣微溫味辛有小毒主胸膈痛如刀刺腹滿腸
渴幽幽驚恐悸氣

桔梗氣微溫稟天初春稚陽之木氣入足少陽膽

經味辛有小毒得地西方陰慘之金味入手太陰
肺經氣味俱升陽也胸者肺之分也脇者膽之分
也膽氣不升肺氣不降則滯於胸脇痛如刀刺矣
其主之者辛以散之溫以達之也足之三陰從足
走腹太陰行氣于三陰者也肺亦太陰通調上下
相傳之職太陰不能通調則腹飽滿矣其主之者
一辛以調氣溫以行氣也大腸者燥金之府也大腸
濕熱則偏滯肺脾與大腸爲表裏桔梗等以益肺

肺通調水道則溫熱行而腸鳴自止。膽爲中正之官。膽者擔也。膽氣偏則不能擔當而驚恐悸失精。梗辛溫則扶蘇條達。遂其生發之性。復其果敢之職而驚恐悸自平也。

制方

桔梗同貝母巴霜名結胸湯治痰在中焦。同人參北味麥冬治小便不通。同枳殼治胸滿不痛。同甘草名甘桔湯治肺癆。同生薑治妊娠中

惡心腹痛。

茵陳氣平微寒味苦無毒主風濕寒熱邪氣熱結黃
疸久服轉身益氣耐老而白悅長年

茵陳氣平微寒稟天秋平冬寒金水之氣入手太
陰肺經足太陽寒水膀胱經味苦無毒得地南方
之火味入手少陰心經氣味俱降陰也風爲陽邪
溫爲陰邪風濕在太陽陽邪發熱陰邪發寒也其
主之者氣寒清熱味苦燥濕也心爲君火火鬱太

陰則肺不能通調水道下輸膀胱而熱與濕結矣
太陰乃濕土之經所以蒸土色於皮毛而成黃疸
也其主之者苦平可以清心肺微寒可以解濕熱
也久服則燥勝所以身輕平寒清肺肺主氣所以
益氣心主血味苦清心心清則血充華面所以耐
老而面白可悅也心爲十二官之主心安十二官
皆安所以長年也

制方

茵陳同川連乾葛黃柏苡仁北味治酒疸 同二

朮茯苓澤瀉車前木通陳皮神麴紅麴治穀疸

同生地石斛木瓜牛膝黃柏治女勞疸

夏枯草氣寒味苦辛無毒主寒熱瘰癧鼠瘻頭瘡破
癥散瘻結氣脚腫濕瘻輕身

夏枯草氣寒稟天冬寒之水氣入足太陽膀胱寒
水經味苦辛無毒得地火金之味入手少陰心經
手太陰肺經遇火令而枯稟金水之氣獨全水制

火金平木故專乎少陽相火風木膽經之症氣味輕清少陽也太陽主表表邪外入則太陽有病而惡寒發熱矣其主之者味辛可以散表寒味苦可以清熱也瘰癧鼠瘻皆少陽膽經風熱之毒夏枯草稟金水之氣味所以專入少陽解風熱之毒也頭乃太陽行經之地膀胱濕熱則生頭瘻其主之者氣寒清熱味苦燥濕也積聚而有形可徵謂之瘻乃濕熱結氣也味辛可以散結味苦可以燥濕熱

所以主之也。燻亦少陽之症，其主之者以夏枯草
耑治少陽之症，而辛散之功也。濕邪傷下，腳腫濕
溼無非濕也。苦能燥濕，所以主之。且入肺與膀胱
而有祛濕之力。濕勝則身重，既有祛濕之功，所以
又能輕身也。

制方

夏枯草末治血崩不止及赤白帶下。夏枯草可代
柴胡升發可代甘菊清肝。同白芍白朮黃柏治

本草綱解要卷之三

三五

溫熱 同連翹金銀花貝母元參薄荷花粉紫背
天葵甘草治瘰癧有功效 用數兩煎湯煮甘菊
紫花地丁金銀花連翹白芨白蘚甘草生地白芷
半枝蓮消一切腫毒甚神

丹參氣微寒味苦無毒主心腹邪氣腸鳴幽幽如走
水寒熱積聚破癥除瘕止煩滿益氣

丹參氣微寒稟天初冬寒水之氣入乎太陽寒水
小腸經味苦無毒得地南方之火味入乎少陰心

經氣味俱降陰也心腹者心與小腸之區也邪氣
者濕熱之邪氣也氣寒則清熱味苦則燥濕所以
主之腸小腸也小腸爲寒水之府水不行聚於
腸中則幽幽如水走聲响矣苦寒清濁能瀉小腸
之水所以主之小腸爲受盛之官本熱標寒所以
或寒或熱之物皆能積聚腸中也其主之者味苦
能下洩也積聚而至有形可徵謂之癥假物成形
謂之瘕其能破除之者味苦下洩之力也心與小

腸爲橐橐小腸者心火之去路也小腸傳化失職則心火不能下行鬱于心而煩滿矣其主之者苦寒清洩之功也肺屬金而主氣丹參清心瀉火火不刑金所以益氣也

制方

丹參同牛膝生地黃著黃柏則健走飛步同麥冬沙參五味甘草青蒿花粉治煩滿同牛膝木瓜草薢豨莶杜仲續斷治脊強腳痺專一味治

濕熱疝氣自汗出欲死者爲末水丸治要脚病
益母花子氣微溫味辛甘無毒主明日益精除水氣
久服輕身

益母氣微溫稟天初春之木氣入足厥陰肝經味
辛甘無毒得地金土之味入手太陰肺經足太陰
脾經氣味俱升陽也肝爲藏血之藏脾爲統血之
藏辛甘益血目得血則能視所以明日脾者陰氣
之原也肺者津液之原也甘辛能潤所以益精脾

者爲胃行津液者也。肺者相傳之官。通調水道者也。辛甘益脾肺。則津液行而水道通。所以除水氣。久服益肝肺。肺主周身之氣。脾主周身之血。肝爲生生之臟。以生氣血。氣血生生長旺。自然身輕矣。莖主癰癧瘻。所以可治兒也。

制方

益母子童便煎服。能下死胎。同川芎歸身白芍生地杜仲阿膠續斷丸。安胎止痛。同生地白芍

麥冬、青蒿五味阿膠治肺漏下血。

紅花氣溫味辛無毒主產後血暈口噤腹內惡血不
蟲絞痛胎死腹中並酒煮服亦主蠱毒。

紅花氣溫稟天春和之木氣入足厥陰肝經味辛
無毒得地西方之金味入手太陰肺經氣味俱升
陽也肝爲藏血之臟生生之經產後血暈口噤者
產後則肝血不藏肝枯則風熾所以血暈而口噤
也治風先治血血行風自滅紅花辛溫潤血所以

主之。腹內惡血不盡，絞痛，胎死腹中，皆血寒不行，不能養肝之故。紅花辛溫，活血暢肝，所以主之也。並酒煎服者，藉酒活血潤血之力也。亦主蠱毒者，辛溫則散，而毒可解也。

制方

紅花煎汁和童便服，治胞衣不下，產後血暈。同當歸、生地、牛膝、白芍、益母、川芎、延胡索，治產後惡血不盡。

附氣微寒味甘無毒除胸中熱充皮毛久服令人

益氣長鬚眉

醋炒

香附氣微寒稟天深秋之全氣入手太陰肺經味甘無毒得地中正之土味入足太陰脾經氣降味和陰也胸中者肺之分也皮毛者肺之合也肺主氣氣滯則熱而皮毛焦香附甘寒清肺所以除胸中熱而充皮毛也久服令人益氣者微寒清肺肺清則氣益也鬚眉者血之餘脾統血味甘益脾脾

血盛所以鬚眉長也。

制方

香附生則上行胸膈外達皮毛熟則下走肝腎外
徹腰足炒黑則止血童便炒則入血分補虛鹽水
炒則入血分潤燥青鹽炒則益腎酒炒則行經絲
醋炒則入肝薑汁炒則化痰飲同參朮則補氣同
歸地則補血同木香則去滯同蔻仁則理氣同沉
香則降氣同川芎蒼朮則解鬱同旋子川連則降

火同茯神則交心腎乃十二經氣分之要藥也

童便炒爲末醋湯服治血崩 同茯神甘草治氣

逆 同沉香砂仁甘草治痞服噫酸 同砂仁甘

草治一切氣滯症 同烏藥甘草治一切心腹刺

痛 同茯神甘草橘紅治婦人血滯氣虛之症

貝母氣平味辛無毒主傷寒煩熱淋瀝邪氣癰瘕喉

癰乳難金瘡風瘻

去心炒

貝母氣平稟天秋平之金氣入手太陰肺經味辛

無毒得地西方之金味入手陽明燥金大腸經氣
昧降多於升陰也其主傷寒煩熱者傷寒有五風
寒濕熱溫而風與熱乃陽盛之症陽盛所以煩熱
也貞母氣平則清味辛潤散故主之也淋瀝者膀
胱有熱也邪氣者熱邪之氣也膀胱以氣化爲主
貝母味辛潤肺肺乃主氣之藏肺潤則氣化及於
州都小便通而不淋瀝矣其主疝瘕者肺氣不治
則不能通調水道下輸膀胱一而濕熱之邪聚結

成瘡成瘕。貝母氣平可以通調水道。味辛可以散熱結也。大腸之脈其正者上循咽喉。火發於標乃患喉痹。痹者閉也。其主之者味辛氣平能解大腸之熱結也。肺乃津液之府。主乳難者味辛能潤潤則乳自通也。肺主皮毛。味辛氣平則肺潤而皮毛理可愈。金瘡也。風癰者。風濕流於關節。致血不能養筋而筋急也。貝母味辛。辛則散風濕而潤血。且貝母入肺。肺潤則水道通而津液足。所以風濕逐

卷之二十一
而筋脈舒也。

制方

貝母薑汁丸治憂鬱不伸 同厚朴丸化痰降氣

同知母牡蠣水 猪蹄湯調服治乳汁不下 專

木治吐血衄血 吹鼻中治吹乳作痛 同知母前

胡麥冬葛根甘草治傷寒煩熱 同陳皮前胡石

膏知母麥冬竹瀝治瘧瘧 同白芷白蒺藜治鬱

症乳癰。

葶藶子氣寒味辛無毒主癥瘕積聚結氣飲食寒熱破堅逐邪通利水道炒用

葶藶子氣寒稟天冬寒之水氣入足太陽寒水膀胱經手太陽寒水小腸經味辛無毒得地西方之金味入手太陰肺經氣味降多於升陰也其主癥瘕積聚結氣者氣結聚而成積有形可徵者謂之癥瘕假物成形者謂之瘕葶藶入肺肺主氣而味辛可以散結也小腸爲受盛之官飲食入腸寒熱之

物皆從此運轉如調攝失宜則寒熱之物積矣。葶
苈氣寒可以去熱味辛可以散寒下洩可以去積
也。破堅者辛散之功逐邪者下洩之力十劑云。洩
可去閉。葶苈是也。肺者通調水道下輸膀胱。葶苈
入肺入膀胱。辛寒下洩所以通利也。

制方

葶苈炒成末蜜丸大棗同煎治肺壅喘急及支飲
不得息。同棗肉丸治通身浮腫。專酒浸治腹

殷積聚

元參氣微寒味苦無毒主腹中寒熱積聚女子產乳餘疾補腎氣令人明目

蒸晒

元參氣微寒稟天冬寒之水氣入足少陰腎經味苦無毒得地南方之火味入手少陰心經手厥陰心包絡經氣味俱降陰也腹中者心腎相交之區也心爲君火心不下交於腎則火積於上而熱聚腎爲寒水腎不上交於心則水積於下而寒聚矣

元參氣寒益腎味苦清心心火下而腎水上升者
一升而降者降寒熱積聚自散矣女子以血爲主產
乳餘疾產後諸症以產血傷也心主血味苦清心
所以主之補腎氣者氣寒壯水之功也令人明目
者益水可以滋肝清心有以瀉火火平水旺目自
明也

制方

元參同生地甘菊蒺藜杞子柴胡能明目同貝

母連翹甘草花粉薄荷夏枯草治瘰癧 同升麻
甘草治發癩咽痛 同知母麥冬竹葉治熱病燥
熱煩亂

天花粉氣寒味苦無毒主消渴身熱煩滿大熱補虛
安中續絕傷

天花粉氣寒稟天冬寒之水氣入足少陰腎經足
太陽寒水膀胱經味苦無毒得地南方之火味入
手少陰心經氣味俱降陰也膀胱者津液之府也

心火內燥則津液枯而病消渴膀胱主表火盛則表亦熱而身熱也其主之者苦寒可以清火也心爲君火火盛則煩滿大熱其主之者寒以清之苦以洩之也火盛則陰虛補虛者清潤能補陰虛也陰者中之守安中者苦寒益陰陰充中有守也其主續絕傷者血爲陰陰虛則傷陰枯則絕花粉清潤則虛者滋枯者潤也實名枯樸甘寒之性能解陽邪所以主傷寒陽邪結胸也

制方

花粉同川連治心火
水金消渴 同人參麥冬治
肺津枯消渴 同麥冬竹葉治心火煩渴 實同
川連枳實名小陷胸湯治傷寒結胸

牛蒡子氣平味辛無毒王明目補中除風傷一名惡
實酒蒸
燒

牛蒡子氣平稟天秋子之金氣味甘無毒得地西方之金味入手太陰肺經氣味降多於升陰也牛

勞氣平清熱味辛散鬱鬱熱清則目得血而能視矣所以明目中者陰之守也人身陰陽求之升降牛勞辛平清肺肺氣下降則陰生所以補中也風傷於衛衛附皮毛皮毛者肺之合也辛平疏肺則皮毛解散所以除風傷也

制方

牛蒡同紫草犀角生地治痘血熱不出同桔梗甘草治風熱咽痛

甘菊花氣平味苦無毒主諸風頭眩腫痛目欲脫淚出皮膚死肌惡風濕癆久服利血氣輕身耐老延年甘菊氣平稟天秋平之金氣入手太陰肺經味苦無毒得地南方之火味入手少陰心經氣味俱降陰也味苦清火火抑金勝發花於秋其稟秋金之氣獨全故爲制風木之上藥也諸風皆屬於肝肝脈連目系上出額由之督脈會於巔肝風熾則火炎上攻頭腦而眩火盛則脾而痛其主之者味苦可

以清火氣平可以制木也。肝開竅於目。風熾火炎。
則目張欲脫。其主之者。制肝清火也。手少陰之正。
脈上走喉嚨。出於面。合目內。背心爲火。火盛則心。
系急而淚出。其主之者苦平可以降火也。皮膚乃。
肺之合。肌肉乃脾之合。木火刑肺。金脾土。則皮膚。
肌肉皆死。甘菊稟金氣。具火味。故平木清火而平。
皮膚死肌也。其主惡風濕痹者。風濕成痹。風統於。
肝。甘菊氣平有平肝之功。味苦有燥濕之力。久

服利血氣者肺主氣氣平益肺所以有利於氣心
主血味苦清心所以有利於血利於氣氣充身自
輕利於血血旺自耐老氣血皆利其延年也必矣

制方

甘菊搗汁治疗瘡。重九採花末服治酒醉不醒
同杞子丸服終身無目疾瘡疽。同穀精草菉
荳皮等分末治目翳。

丹皮氣寒味辛無毒主寒熱中風癥癰驚癇邪氣除

癥堅瘍血留舍腸胃安五臟療癰瘍

丹皮氣寒稟天冬寒之水氣入手太陽寒水小腸經味辛無毒得地西方之金味入手太陰肺經氣味降多於升陰也寒水太陽經行身之表而爲外藩者也太陽陰虛則皮毛不密而外藩不固表邪外入而寒熱矣其主之者氣寒可以清熱味辛可以散寒解表也肝者風木之藏也肺經不能制肝一肝風挾濁火上逆中風癲癇驚癇之症生焉丹皮

辛寒益肺平肝。肝不升而肺氣降。諸症平矣。小腸者受盛之官。與心爲表裏。心主血。血熱下注。留舍小腸。瘀積成瘕。形堅可徵。丹皮寒可清熱。辛可散結。所以入小腸而除瘕也。五藏藏陰者也。辛寒清血。血清陰足而藏安也。榮血逆於肉裏。乃生癰瘡。丹皮辛寒可以散血熱。所以和榮而療癰瘡也。

制方

丹皮同防風末酒服治癰瘡。同麥冬五味白芍

甘草木通生地治心包絡之火

黃連氣寒味苦無毒主熱氣目痛皆傷淚出明目腸
澼腹痛下痢婦人陰中腫痛久服令人不忘

酒炒吳萸同炒

蜜汁炒

黃連氣寒稟天冬寒之水氣入足少陰腎經味苦
無毒得地南方之火味入手少陰心經氣味俱降
陰也其主熱氣自痛者心主火火氣熱心病食肝
肝開竅於目也黃連苦寒所以清火也手少陰之

正出於面合目內背手少陰爲心火火盛則心系急而淚出皆傷淚出皆心火也黃連清心所以主之寶則潤其子心者肝木之子也清心則肝邪潤所以明目也大腸爲庚金之府心火乘之則津液化成膿血痛而下痢矣其主之者寒以清火苦以洩熱也北方黑色入通於腎開竅於二陰婦人陰中乃腎竅也熱勝則腫腫痛者火盛也黃連入腎寒苦清火所以主之其久服令人不忘者入心清

火火清則心明能記憶也。

制方

黃連同西河柳黃芩黃柏石膏知母甘草治瘧疹
已透煩躁不止 同當歸棗仁圓肉生地黃芩黃
柏黃耆治火症盜汗 同槐花枳殼乳香沒藥治
痢純血腹痛 同五味麥冬乾葛治酒病 同麥
冬五味治卒消渴小便多 同人參蓮子治虛痢
專爲末丸名瀉心丸治心竇心痛 同吳萸神

麴丸治肝火作痛 同白朮陳皮神麴丸名四神

丸治胸中嘈雜作痛 同白朮治思想所致白瀦

同木香丸名香連丸治痢 同炮薑末治氣痢

後重

黃芩氣平味苦無毒主諸熱黃疸腸澼泄痢逐水下血閉惡瘡疽蝕火瘍少酒炒

黃芩氣平稟天秋涼之金氣入手太陰肺經味苦無毒得地南方之火味入手少陰心經氣味俱降

陰也心者火藏也十二官之君諸熱之主也若平清心故主諸熱黃疸者濕熱乘脾之症也脾爲太陰濕土土濕熱則本色現而發黃疸黃芩苦平清肺脾亦太陰太陰濕熱退而脾疸亦平也肺與大腸爲表裏大腸濕熱則腸澼洩痢黃芩清肺肺清則通調水道而濕熱下逐腸肺復興燥金之性而洩痢愈矣肺司水道熱則肺炎清肅之令而水道不通水因而蓄焉黃芩清肺則氣化下及膀胱而

水下逐矣血閉者實熱在血分而經閉不通也。心主血味苦清心則能下洩所以主之。惡瘡疽蝕者瘡疽敗壞潰腐而不收口也。火瘍者火傷瘍也。皆心火有餘而腐壞肺之皮毛也。苦平清心肺所以主諸痛痒瘡瘍也。

制方

黃芩同白芍甘草名黃芩湯治濕熱腹痛及瀉痢同白芍甘草半夏治吐瀉同白芍麥冬白朮

治胎不安內熱

連翹氣平味苦無毒主寒熱鼠瘻瘰癧癰腫惡瘡瘻
瘤結熱蠱毒去心用

連翹氣平稟天秋平之金氣入手太陰肺經味苦無毒得地南方之火味入手少陰心經手厥陰心包絡經氣味俱降陰也心包絡者臣使之官喜樂出焉其經別屬三焦出循喉嚨出耳後合少陽鬱則包絡之火上炎經絡而成寒熱鼠瘻瘰癧矣連

翹輕清平苦輕而揚之因而越之結者散而寒熱
愈也。癰腫惡瘡皆生於心火。連翹味苦清心所以
主之。癰瘤結熱亦心包絡之鬱結火也。其主之者
輕揚有散結之功也。蠱毒因辛熱而成。辛熱則生
蟲也。連翹平能清而苦能消。熱解蟲化而蠱自消
也。

制方

連翹同脂麻治療瘡 同貝母白芷甘草金銀花

元參薄荷夏枯草白芨治同上。

天麻氣平味辛無毒主諸風濕癆四肢拘攣小兒風
癇驚氣利腰膝強筋力久服益氣輕身長年。

天麻氣平稟天秋平之金氣味辛無毒得地西方
之金味入手太陰肺經得天地之金氣獨全故爲
制風木之上藥氣降味升陽也肝爲風木諸風皆
屬於肝肝主血血澁不通則濕感成癆也其主之
者天麻氣平味辛入肺而通木道能活血而散風

也四肢脾主之。因於濕則大筋喪短而成拘攣也。
肺亦太陰水道通調。則太陰濕行而肺濕解拘攣
愈矣。小兒風癇驚氣皆肝經血虛氣亢以致氣逆
而驚癇也。天麻味辛辛則潤血氣平平則鎮驚也。
辛平之品潤肝血而平肝氣。肝主筋而位居下故
能利腰膝而強筋力也。久服辛平益肺。肺主氣所
以益氣氣充身自輕而年自長也。

制方

天麻同半夏黃芩前胡陳皮白茯治痰厥頭痛。

同白朮陳皮白茯車前治飲在心下 同南星前

胡陳皮白茯消一切風痰

木通氣平味辛無毒主除脾胃寒熱通利九竅血脈
關節令人不忘去惡蟲

木通氣平稟天秋平之金氣味辛無毒得地西方
之金味專入手太陰肺經氣降味苦陰也其除脾

胃寒熱者蓋飲入於胃遊溢精氣上輸於脾脾氣

散精上歸於肺。肺氣通調水道乃下輸膀胱。如水道不通則飲留於脾胃而發寒熱矣。木通入肺以通水道故除脾胃寒熱也。九竅者耳目鼻各二口大小便各一也。木通氣平則利。味辛則通。所以通利九竅血脈關節也。其令人不忘者心藏神而屬火。水道通則心火有制。神清多記憶也。濕熱不除則化生惡蟲。水道通則濕熱有去路。故惡蟲不生也。

制方

木通同生地炙草竹葉治心熱便赤。同白茯澤
鴻車前豬苓燈心治癃閉。同牛膝生地天冬芩
冬五味黃柏甘草治尿血。同生地甘草赤茯竹
葉名導赤散瀉小腸之火。

車前子氣寒味甘無毒主氣癃止痛利水道通小便
除濕癥久服輕身耐老。

車前氣寒粟天冬寒之水氣入足太陽寒水膀胱

經味甘無毒得地中正之土味。八足太陰濕土脾經氣降味和陰也。膀胱者州都之官津液藏焉氣化則能出矣。出氣不化閉塞下竅而爲癃閉。其主之者寒能化熱甘能化氣也。小便者心火之去路也。火結於膀胱則小便痛矣。其止痛者氣寒能清火也。飲入於胃遊溢精氣上輸於脾脾氣散精上歸於肺肺乃下輸膀胱。車前味甘甘能益脾脾氣散精則肺氣通行故水道通小便利也。益脾利水

則濕下逐故又除濕癆也。久服輕身耐老者指有病者而言也。人身有濕則身重。濕逐脾健。脾主血。血充故耐老也。不然滑泄之品。豈堪久服者哉。

制方

車前同木通沉香陳皮升麻治氣癆 同二朮木瓜石斛草薢白茯五加皮治濕癆 同白芍白茯
蘿豆甘草治水洩 同生地牛膝天冬麥冬黃柏

五味杞子人參白膠治尿血及女子血淋 專末

服治暴泄

澤鴟氣寒味甘無毒主風寒濕痹乳難養五藏益氣

力肥健消水久服耳目聰明不饑延年輕身而生光
能行水上

澤鴟氣寒稟天冬寒之水氣入足太陽寒水膀胱
經味甘無毒得地中正之土味入足太陰脾經氣
降除和陰也其主風寒濕痹者風寒濕三者合而

成癆。辨則血閉而肌肉麻木也。澤瀉味甘益脾。脾濕去則血行而肌肉活。辨症瘳矣。其主乳難者。脾統血不化。乳所以難也。味甘益脾。脾濕行則血運而乳通也。其主養五藏益氣力肥健者。蓋五藏陰者也。而脾爲之原。脾主肌肉而性惡濕。澤瀉鴻臚。濕去則脾健。脾乃後天之本。所以肌肉長而氣足。益陰氣充而五藏得所養也。其消水者入膀胱。氣寒下洩也。久服耳目聰明不饑。延年輕身者。

腎與膀胱爲表裏。膀胱水道通。以腎之精道固。精足則氣充。腎開竅於耳。所以耳聰。水之精爲目瞳子。所以明目。腎者胃之關。關門固。所以不餓。腎氣納。所以延年輕身也。其言面生光能行水上者。脾爲濕土。濕則重。燥則輕。輕則能行水上。脾統血。血充則面有光彩也。蓋表其利水有固腎之功。燥濕有健脾之効也。

制方

澤鴻同白茯白朮豬苓肉桂名五苓散治濕熱
同山藥山萸白茯丹皮生地北味名都氣湯補腎
真陰及小兒行語遲同白茯建蘭葉豬苓治飲
痰欬嗽

草薢氣平味苦無毒主腰脊痛強骨節風寒濕周痹
惡瘡不疚熱氣

草薢氣平稟天秋降之金氣入手太陰肺經味苦
無毒得地南方之火味入手少陰心經氣味俱降

陰也。太陽寒水經挾脊抵腰中。太陽有濕則陽氣不布。腰脊強而痛矣。太陽經行身表附皮毛而爲外衛者也。皮毛者肺之合。草薢氣平入肺。味苦燥濕。肺之皮毛理而太陽之濕亦逐。所以主腰脊强痛也。骨節者節捷之處也。亦屬太陽經。濕流孔竅。故風寒濕合而成瘡。則周身麻木而骨節更甚也。其主之者。草薢入肺。肺通調水道。下輸膀胱。可以去太陽之濕而理瘡也。惡瘡熱氣。皆屬心火。草薢

味苦清心心火退則瘍瘡愈而熱氣解矣

制方

革薢同蓮子白茯車前木通澤瀉牛膝甘草黃柏
可分清治濕 同杜仲治腰腳癆 痿 同菖蒲益智烏藥治白濁 佐杜仲肉蔻蕊莖絲子北味九
名金剛丸治筋癰足不能行

防己氣平味辛無毒主風寒溫瘡熱氣諸癟除邪利大小便

防已氣平。稟天秋降之金氣味辛無毒。得地西方燥金之味。入手太陰肺經。氣味降多於升。陰也。風寒溫瘡者。感風寒而患一切風癧也。溫熱皆爲陽邪。瘡瘍皆屬風木。防已氣平可以清陽邪味。辛可以平風木而消風痰也。除邪者辛平之品可除濕熱之邪也。小便出於膀胱。膀胱津液。肺氣化乃出。防已氣平可以化氣。故利小便。大便出於大腸。肺與大

本草綱解要卷二

四

腸爲表裏味辛可以潤腸故利大便也但臭惡傷胃宜慎用之

制方

防已同黃耆桂枝白茯甘草治皮水 同黃耆白朮甘草生薑大棗治風水惡風汗出身重脈浮
大黃氣寒味苦無毒主下瘀血血閉寒熱破癰瘕積聚留飲宿食瀉滌腸胃推陳致新通利水穀調中化食安和五臟

食安和五臟

大黃氣寒，稟天冬寒之水氣，入手太陽，寒水小腸經。味苦無毒，得地南方之火味，入手少陰心經。手少陽相火，三焦經氣味俱降，陰也。潤陰歸六府，味厚則泄，兼入足陽明胃經，手陽明大腸經，爲蕩滌之品也。味厚爲陰，則入陰分，血者陰也。心主者也。血凝則瘀，大黃入心，味苦下洩，故下瘀血。血結則閉，陰不和陽，故寒熱生焉。大黃味苦下洩，則閉者通，陰和於陽，而寒熱止矣。癰瘕積聚，皆有形之實。

邪。大黃所至蕩平，故能破之。小腸爲受盛之官，無物不受。傳化失職，則飲留食積矣。大黃入小腸而下洩，所以主留飲宿食也。味厚則洩，濁陰歸府。大黃味厚爲陰，故入胃與大腸而有蕩滌之功也。消積下血，則陳者去而新者進，所以又有推陳致新之功焉。其推陳致新者，以滑潤而能通利水穀，不使閉礙腸胃中也。腸胃無礙，則陽明胃與太陰脾調和而食消化矣。飲食消化，則陰之所生，本自五

味五藏主藏陰陰生而藏安和矣

制方

大黃同黃芩沉香礞石丸名滚痰丸治痰症

當歸檳榔治痢初起同甘草治胃火食入卽吐

燈草氣寒味甘無毒主五淋生煮服之

燈草氣寒稟天冬寒之水氣入手太陽寒水小腸經足太陽寒水膀胱經味甘無毒得地中正之土味入足太陰脾經氣味降多於升陰也心與小腸

爲表裏小便者心火之去路也。心火結於小腸膀胱則小便淋瀝矣。燈心生薑服之氣寒清熱味甘化氣結者解而火下洩矣。

制方

燈心焰同炒鹽共末吹喉痹。煎湯調燈花末塗乳小兒吮之止夜啼。

使君子氣溫味甘無毒主小兒五疳小便白濁殺蟲

療瘧痢

使君子氣溫稟天春和之木氣入足厥陰肝經味甘無毒得地中正之土味入足太陰脾經氣味俱升陽也小兒疳症名雖有五原皆由脾虛脾虛則不健運於是積聚生疳也其主之者味甘可以益脾氣溫可以健運也中氣不足則溲溺爲之變所以小便白而混濁也其主之者甘溫益氣氣足則清肅而便清也甘溫之品則具條達之性能瀉脾經之濕熱濕熱清則渴痢自止而蟲不生所以殺

蟲療渴痢也。

制方

使君子同蘆薈蕪荑滑石麥芽厚朴陳皮殺疳蟲
消疳積 專爲末治小兒蛔痛及虛腫煎湯漱蟲
牙疼痛。